

۱۳۲۹

جزء : ۱

تاریخ عثمانی انجمنی

مجموعہ سی

ایک آیدہ برنشر اولنور

مندرجات

افادہ مرہام

تاریخ عثمانی انجمنی تعلیقات و اعضاسنک اسامیسی

اوراق قدیمہ و وثائق تاریخیہ من عبدالرحمن شرف

ایکینجی (جرہ) حربی اوزرینہ و شقہ لر صفوت

روم سلجوقی دولتک انقراضیلہ تشکیل ایدن طوائف ملوک توحید

عثمانی تاریخ نویسری و مورخری نجیب عاصم

سلسلہ وقوعات دولت علیہ دہ ضبط ایدلیان ۱۱۴۲ سنہ سی حادثاتی .. محمدعارف

تفرقہ : تاریخ سلطان محمدخان ثانی. مؤلفی قریتو وولوس. مترجمی قارولیدی

استانبول

انجمن احسان و نشر کائنات

مطبعہ قریتو وولوس

۱۳۲۸

سلسلهٔ وقوعات دولت عليه ده ضبط ايدليان

۱۱۴۲ سنه سی حادثاتی

۱ — ضبط ایدلامی حقنه تدقیقات ، ۲ — وقوعاتك تفصیلاتی

— ۱ —

معلوم اولدینی اوزره دولت عثمانیه نك حادثات تاریخیه سی ، وقوعات کونیه سی تحریره مخصوص اولان « وقعه نویسك » خدمته اولجه « شهنامه جیلک » دینلوردی . شهنامه جیلک ده خلقي وقعه نویسك کبی ، مناصب رسیده دن معدود ایدی . بو وظیفه جناب فاتحك زماننده احداث اولدینی معلوم ایسه ده وقعه نویسك نامه تبدیلی تاریخی صورت قطیعه ده معین دکلدرد. ناشجی عبدالرحمن پاشا سلطان محمد رابع طرفندن ۱۰۷۴ سنه نده امر شفاهی ایله تحریر وقایعه مأمور اولدیتندن بعضی تاریخلرده برنجی وقعه نویس اوله رق مذکوردر . مع مافیه اکثر تاریخلرده مورخ « نعیا » ایلك وقعه نویس اوله رق کوسترلدیکندن طولانی ، بوندن اعتباراً شهنامه جیلک نامنك وقعه نویسك عنوانه تبدیل اولدیننی قبول ضروریدر .

زمان احداثندن « لقمان » زمانه قدر تعیین ونصب اولنان شهنامه جیلر تاریخ عثمانی بی منظوم اوله رق یازمشلردرد . بونك خلقي اولان « تعلیق زاده کاتب محمد » ایسه منشور ومنظوم اوله رق تحریر ایتشدر . آنك خلقي « حکمی افدی » به بومأموریتك توجیهی آمر ۱۰۱۰ سنه سی جاذی الاخره - سنك اواخری تاریخی فرمان پادشاهیده اوصورتله تحریری بالخامه امر اولنشدر [۱] .

حکمی ایله نعیما آره سنده بکن شهنامه جیلرک اسامینه دائر تاریخلرده هیچ معلومات کوریه مدیکندن بلکه ده اومت ظرفنده بوماموریت متروک قالمشدر .

شهنامه جیلر وقوعات تاریخیه عثمانیه بی صورت غیر مطرده ده وخواجه سعدالدین افدینک بحق تلمیح و بیان ایتدیکی وجهله صورت فردوسیانه ده اغراقات ومبالغات عجمانه ایله مملو اوله رق ضبط ونظم ایتشلردر . نعیما ایه وقعه نویس اولدقده بیک تاریخندن اعتباراً تورنخ وقوعاته ایتدار ایتمش ، اخلافی اولان وقعه نویس ایه ۱۱۴۲ سنسی وقوعاتی خارج اولق اوزره خاقان اسبق « جتیمکان سلطان مراد خان خامس » ک جلوسنه قدر اولان وقوعاتی تعقیب وتحریر ایتشلردر .

دولت عثمانیه نیک تأسیندن نعیما نیک باشلادینی تاریخه قدر کذران اولان ازمه وقوعاتی ایچون ایه خواجه سعدالدین افدینک « تاج التواریخ » ی وآندن صوکره سی ایچون دخی یجوی تاریخنک برقی وقعه نویس لک یازدینی تاریخلره الحاق اوله رق وقایع دولت علیه نیک سلسله شونانی تکمیل ایدلش و رابطه محافظه اولتمشدر .

سلسله وقوعاته عدم موجودیتی کوریلن ۱۱۴۲ سنسی حادثاتنک ضبط ایدلامسی سبی شایان تدقیقدر .

تحریر ایدلین بوییل وقوعاتی چلی زاده اسماعیل عاصم افندی ایله سامی بکک وقعه نویس لکلری آراسنده در . بونلردن برنجیسی ۱۱۳۵ سنسی رمضاننک یکریمی سکننجی کونی وقعه نویس اولدینی حالده برسنیه قریب زمان اولندن یعنی ۱۱۳۴ سنسی ذی القعده سی ابتداسندن بالابتدار ۱۱۴۱ سنسی نهایته قدر وقایع دولت علیه بی منتظماً تدوین ایتدیکی میدانده موجود بولان کتابیله مثبت ایه ده وقعه نویس لکدن

— ۴۳ . بوفرمانده : شهنامه خدمتده اولان کاتب و مصور ومذهبلر شهنامه حایونه متعلق اولان اموره مشارالیه مراجعت ومتابعت ایدوب مخالفته جواز کوسترمیه لر . دیه شهنامه جیلرک معینی ده کوسترلشدر .

فراغتی تاریخی صورت قطعیه ده معین دکلدر . بوجهت « عثمانی تاریخ و مورخ‌لری » نامی آلتده تزییلاً طبع اولنان « آینه‌ی ظرفا » ده دخی تحریر ایدلامشدر . او حالده بونک خلفی سامی بکک ابتدای مأموریتک معین اولماسی دخی طبعیدر .

حالبوکه یالکزر رامز افندی تذکره‌سنده بوبابده معلومات ویریور و سامی بکک « ۱۱۴۳ سنه‌ی حدودنده چلی زاده افندی یرینه وقایع نویسی اولوب ایکی بچق نه مقداری ضبط صحیفه حوادث ایله بر تاریخ نفیس صفا باعث ترکیب ایشلدر » دیور .

رامزک بوفاده‌سندن اک اول خاطره کلن ابراهیم پاشانک مصاحبی و کتابچیسی اولدینی جهتله مشهور ندیمک سلطان محمودک جلوسندن صوکره فجع بر صورتده وفاتی کی پاشانک متباندن اولان چلی زاده عاصمک دخی اووقعه‌نک نتیجه‌سی اوله‌رق نظردن سقوط ووقعه نویسلکدن انفصالیدر .

صبحی افدینک تاریخنده جلوس محمودخان اولده سامینک « تحریر حوادث یومیه به مأمور » اولدیتی بیانی رامزک سامی بکک وقعه نویسلکه تعینی حقده کی روایتی تأیید ایدر . کذلک صبحی افدینک سامی ایله خلفی شاکر بکک « ضبط و تحریر لری اولان اجزای فصاحت قرین بووقته دک شیرازه بند تنظیم و تدوین » اولدیتی بیلدیرمی سامینک آیریمجه تاریخ تحریر و تدوین ایتدیکی حقده کی رامزک بیاتی ردایلر . مع مافیه سامی بکک قید و ضبط ایتدیکی وقوعات او راقک اخلافتدن صبحی افندی به دور ایدلیدیکی کک آینه‌ی ظرفاده و کک سائر تاریخنده مندرجدر .

بو حالده ۱۱۴۲ سنه‌نک چلی زاده عاصم افندی مأموریتنده داخل اولدینی حالده تحریر ایدمه‌دیکی آکلاشیلور . حالبوکه بونک سلفی راشد افندی به یابدینی کی سامی بک دخی آنک براقدینی یردن اعتباراً یازمی لازم کلور ایدی . لکن رامزک ایکی بچق سنه‌ک وقوعاتی محتوی

تاریخی اولدینی بیانی بونک جلوس محمودخان اولدن کندینک وفاتنه قدر اولدینی آکلاتیور. صبحی نک دخی سامینک جلوس محمودخان اولدن ابتدا ایله تحریر ایتدیکنی بیلدیرمی دخی بونی تأیید ایدر. بوتقدیرده سامی بکک اوزمان وقوعاتی قصداً یازمدینی وبوصورتله او وقوعاتک پس رده کمانده قلمنه سبب اولدینی خاطره کله بیلیر. صبحی اقدی دخی قلمه آلدینی تاریخی سلطان محمود اولک جلوسنی نتیجه ویرن اختلال عظیمک باشلانغی اولان ۱۱۴۳ سنه سی ربیع الاولک اون بشنجی کونندن ابتدا ایدرک چلی زاددنک براقدینی زماندن او آوانه قدر اولان حادثات حقده برشی یازماشدر. لکن صبحی اقدی بواعتراخک وارد اوله جغنی کشف ایدرکی تاریخنده تحریر وقوعاته، وقعه نویسلکه تاریخ تعینی اولان ۱۱۵۲ سنه سندن ابتدا ایتدیکنی حالده سامی ایله شا کرک جلوس محمودخان اولدن ۱۱۴۷ سنه قدر یازمنه نظر ۱۱۴۸ سنه سندن باشلامی حقده اراده اولنه رق او وجهله ابتدا ایتیش ومؤخر آ وقوعبولان امر و فرمان اوزرینه جلوس محمودخان اولدن باشلامش اولدینی بیان ایله مشدر. دقت ایدیلیر ایسه فی الواقع صبحی اقدینک تاریخنده سلطان احمد ثالث فراغتله سلطان محمود اولک جلوسنی نتیجه ویرن حادثه اختلاله نک علل واسبابندن بعضلرینک ۱۱۴۲ سنه سنده ظهور ایتدیکنی عیاندیر.

بعض ارباب تدقیق بونی بوجه آتی بیان ومحا که ایدیورلر : سامی بک چلی زادنه نک براقدینی زماندن سلطان محمود اولک جلوسه قدر اولان زمان وقوعاتی یا، شایان ذکر حادثات تاریخیه کوره مدیکندن ترک ایتیش، یاخود قصداً براقشدر. اوزمانک وقوعاتی اهمیتدن عاری اولمدینی آکلاشیلور. زیرا ۱۱۴۳ سنه سی ابتدا سنده وقوعبولان اختلال مدهشک اسبابی بوزمانده حاضر لیور، آنک باشلانغیجی ۱۱۴۲ سنه سنده آرامق ایجاب ایدر. حتی بواختلاله تواریخ عثمانیه ده کوسریلان اسبابدن برسی اولان تأثیرات خارجیه یعنی شرق و ایران انتباهاتی وعثمانلیره وقوعبولوب

سفرجه تمامی ایدن تأثیراتی بوسنده باشلامشدر . حالبوکه وقعه نویسر هیچ برداخلی و خارجی وقوعات بوله ماسه لر بیله بعض سهر وقوعات عزل و نصب وسائر ایله تحریر ایدهرک برار اول زمانمزه اولدینی وجهله جراید منتشره نك توجیهات رسمیه ستونلرینه ووقوعات روزمره سهر بکزه تیرلردی . آندن طولای برنجی احتمال شایان نظر دکدر . ایکنجی احتمال وارددر ، زیرا سامی بکک ابراهیم پاشایه خصومتی وارایدی . اودانک زمانه عائد وقوعاتک کندیسی طرفندن ضبط ایدیله جک قسمنک اولنی اهل و آخری یعنی زمان فلاکتی بوتأثیر تحته یازهرق ملت عثمانیه نك یتشدیردیک اعظمک برنجیلردن اولان اویله برذاتی الی آخرالایام انظار ملتده لکلی بولمغه مجبور ایتشدردیوردلر .

صبحی نك رامزی تأییداً سامینک سلطان محمود اولک جلوسندن اعتباراً تحریر وقایع ایتدیکی افاده سی بوصوک احتمالک اولنی تأیید ایدر . ابراهیم پاشانک عصری ادراک ایدن رئیس الکتاب دلاور زاده عمر افندینک عثمان زاده تانک « حقیقه الوزرا » سهر تحریر ایلدیکی ذیلک آخرنده بوزانک احوالندن بیان ایتدیکی برنبذه نه درجه عالی همت ، محب ملت و دولت اولدینغه دلالت ایدر ، ارباب اختلالک اشاعه ایدوب صحائف توارینغه انتقال ایدن عز و یاتنک نه مرتبه ده اکذوبه اولدینغه دلیلدر ؛ بوده ذکر اولنان احتمالک نهایتی تا کید ایدیورد .

بو حالد اوسنه وقوعاتک سبب ترکی آکلامق ایچون سامی بکک ترجمه حالی تدقیق ایتک ایجاب ایدر . حالبوکه بزده اهمیتله نظر ایدلیان بر حال الک زیاده تراجم احوالدر . تاریخلرده و تذاکرده کوریلان نصب و عزل مأموریت مشاهیردن معدود بر ذاتک ترجمه حالی اوله منر ، اوله اوله سجل احوالی اوله بیلور . مشاهیردن برکس نك ترجمه حالی آینه افعالی اولمیلدر ، مسلکنده ای و کو تو اجرا ایتدیکی تأثیری بیان و ایضاح ایتیلیدر ، حال و عادتندن بحث ایله میلیدر . مع مافیه بزده بوصورتله یازلش ترجمه حال یوقدر ، یالکز سجل احوالدر . یالکز

بعض تراجم کتابہ زنده و مجموعہ لردہ بعض ذواتک - اودہ یک اندر اولہرق -
نوادری منقولدر . بوکا و آثارینہ نظراً مشاہیرک اوصورتلہ ترجمہ حالک
استباطی ضروریدر .

ہر نہ حال اینہ تذاکر شعراہ و بعض تواریخ و جامعہ نظراً سامینک
حیات رسمہ و خصوصہ سنہ دائر بولہ بیلدی کمز معلوماتی بروجہ زیر درج
ایدیورز :

سامینک اسمی مصطفی در . استانبولہ تولد ایتشددر . پدری دیوان
ہایون خواجکاتندن آربہ امینی عثمان افندی اولدینی جہتلہ « آربہ امینی
زادہ » لقبہ معروف ایدی . مناصب دیوانیہ دن اولان کوچک اوقاف ،
کوچک روزنامہ ، خاصلر خواجہ لکی ، شہر اماتی ، موقوفاتی و مناصب
سائرہ بولندی . ۱۱۴۶ سنہندہ وفات ایتدی [۱] .

سامی شاعر لکی سایہ سندہ ابتدای اقبالندن اعتباراً صدراعظم شہید
علی پاشایہ انتساب ایتدی . بوانتسابی سربعاً تربید ایلدی . علی پاشانک
مصلح دولتی مشاورہ و فضیلت و معارفہ دائر مذاکرہدہ بولندینی انجمنہ
داخل اولدی ، کہ بوتک اعضای اوزمان باب عالینک دکل دولتک الامتاز
رجالی اولان الحاج مصطفی [۲] ، عارفی احمد [۳] ، سلیم [۴] ، دردی [۵] ،
افندیلر ورحمی بک [۶] کبی ارباب علوم و معارف ایدی . سامی علی
پاشانک واردین حربندہ مقتولیتی اوزرینہ استادنندن محروم قالدی .

[۱] رامنہ تذکرہ سی دیگر تذکرہ لردہ مخالف اولہرق ۱۱۴۵ سنہندہ
وفاتی بیان ایدیور .

[۲] بوذات وزیر کتخدالتی کاتبی ایکن شہید علی پاشانک ابتدای وزارتندہ
منظوری اولوب مکتوبیچلفتہ تعیین و ۱۱۲۶ سنہندہ رئیس الکتاب [خارجیہ
ناظری] نصب ایتدی . دفتر امینی ایکن ۱۱۴۱ سنہندہ اولدی . کتابت وامور
ادارہ دولتدہ بی نظیر ایدی .

[۳] دیوان افندیلکندن یتشن بوکہ خواجکاتندن ایکن ۱۱۲۲ سنہندہ
مکتوبی صدرعالی ، ابرتسی سنہ تذکرہ اول و ۱۱۲۷ سنہندہ مقابلہ سوای
اولدی . رئیس الکتاب (۱۱۲۹) و میرمیران وزیر اولدقدن و برجوق والیلکوردہ (*)

ابراهیم پاشا صدارته کچدکده علی پاشا زمانده مستشار دولت اولان ذواتدن عارفی احمد ، الحاج مصطفی افندیلری التزام ایتدی . بونلری امور دولته اولکی کبی مشاور صقیله بولندردی . دری افندی دخی کار کذارلیقه کندینسی قورتاردی . سامی بك ایله برابر رحمی و سلیم افندیلر بوندن خارج طوتلدی .

بزجه بونک تاثیرندن وعطا تاریخنجه علی پاشانک حقهده کوستردیکی رعایت و حرمتله « کندوسه جلب و تمشوق » ایتدیردیکندن طولایی سامی اوزمادن اعتباراً « لئک و لولک اوج نه تک و بودن صوکره قوه عاقله سی دوچار ضعف » اولدی . تیمارخانه به کیره منجه افاقته بوله مدی [۶] .

سلطان احمد ثالث زمانی شعرائک الک زیاده کثرتلی برزمانی اولدیفندن بونلر ایچون نظام وقاعده تعیین ایدیلدی . آنلره نظارت ایتک ایچون دخی ابراهیم پاشانک ملتسی « عثمان زاده احمد نائب » باخط هایون « سلطان شعراء

(*) بولندقدن صوکره ۱۱۴۶ سنه سنده اعدام اولندی . ایران سفرنده سرعکر لکله بولنرق پک زیاده حسن خدمت ایتشدر . شجاعته مشهر و شعر وانشا ایله متعارف ایدی . نخوت وحدت طبع ایله دخی موصوفدر .
[۳] طریق علیه دن بولنان بوذات کوردیکی حقارتدن طولایی بروسه ده ساکن ایکن علی پاشا ۱۱۲۷ سنه سنده استانبوله کتیردوب نشانچی نصب ایتدیردی .
۱۱۳۸ سنه سنده فتوی امینی ایکن اولدی .

[۴] وانلیدر . دیوان هایون قلنه مداوم ایدی . ۱۱۳۲ سنه سنده ایلجیلکله ایرانیه کیشش . عودتنده باش محاسبه جی اولش ، ۱۱۳۷ سنه سنده وفات ایتشدر .

[۵] حبش والیسی مصطفی پاشانک اوغلی اولفله حبشی زاده دیه معروف ایدی . دیوان هایون خواجه کاندن ایکن علی پاشا زمانده کوچوک و بویوک تذکره جیلک ایتدی . ۱۱۳۷ سنه سنده وفات ایتدی .

[۶] سامی بك لاجل اسفار تیمارخانه به کیدن اجباسنک سؤال خاطر لرته جواباً :

زنجیر جنون اولدی نیم طوقه معتاد . مجذوب الکینک اولور سجه سی فولاد
نظم حکمت جزمنی ایراد ایتدیکی مریدر . تاریخ عطاء ج ۲ ، ص ۱۰۰ .

نصب اولندی [۱]۔ ہوشاعر لر سلطانک اجرای حکومتی ؟ ایسہ شعرادن
برینک وزنیز ومناسبتیز شعر سویلی اوزرینہ آنک مخلصنی حبس
ایمک ، شعر سویلتامک ایدی [۲] !

« تائب » ک ۱۱۳۶ سنہ سندن وفاتندن صوکرہ سلطان شعرالق
مسندنک کیسہ توجیہ اولندی ، دوام ایدوب ایتدیکی مجھولدر !
مع مافیہ سویلدیکی قصیدہ لرلہ « سید وھی » ابراہیم پاشاہ انتسانی یک
زیادہ تزیید ایتیش ایدی ، حتی ۱۱۴۱ سنہ سندن تبریز قاضی اولوب
اورایہ کیدر کیتمز « در دولتمدارده لزومی » اولدینی بیانیلہ بافرمان عالی
استانبولہ کتیرلدی [۳]۔ جلبک اوسہ یایلان مشہور چشمہ نک تاریخی
ایلہ مناسبتی اولدینی بدیہیدر ۔ زیرا متعاقباً لوازم انشائیہ نک تہیہ سہ
مباشرت ایدلشد [۴]۔ مع مافیہ چلبی زادہ اوسہ وقوعاتی یازدینی حالہ

[۱] شہزادہ ابراہیم ۱۱۳۲ دہ تولدی اوزرینہ احمد نائب اقدینک عرض
ایلدیکی تاریخ اوزرینہ سلطان احمد خان ثالث طرفندن « مقبول ہایوم اولشدر ،
عصرک ملک الشعرا سی اولدینی وجوہ ایلہ ظاہر و مطلبی احان ہایوم اولشدر ۔
دیہ خط ہایوم صادر اولدینی مرویدر ۔

[۲] مناقب کتبخدا زادہ ، ص ۲۴۲ ۔ تائب بوتوجیہ وجیہدن طولابی
بوقطعہ :

طنین انداز گوش چرخ ایکن آوازہ باقی چبقارم شکن سپہرہ مدح ایلہ سلطان سلیمانی
نہ اولدی بویلہ برخط ہایونیلہ نام آور نہ بولدی سایہ دولندہ شوکت وشانی
ایلہ فخریہ حوان اولدی ۔

[۳] حالا تبریز قاضی اولان وھی حسین زیدت فضائلہ بہ حکم کہ
سنکہ مولانای مومی الیہ سن سنک بو طرفدہ لزومک اولغلہ اشبو امر شریفم
وصولندہ تبریزہ عنیمتکدن مقدم نائب تعین وارسال ایلدوکلک مولانا (....) زید
علمہ فی دستور مکرم مشیر مخم نظام العالم حالا تبریز محافظی اولوب تبریز طرفنہ
مأمور طوائف عسکرہ باش بوغ اولان وزیرم مصطفی پاشا ادامہ تعالی اجلالہ
معرفتیلہ یریکہ نائب نصب و تعین وسن قالقوب در دولتمدارمہ کلاک بایندہ فرمان
عالیشانم صادر اولشدر بیوردومکہ فی اواسط ش سنہ ۱۱۴۱ ۔ مصطفی پاشاہ
دخی بومآلدہ بر فرمان یازلشد ۔

[۴] مرمرہ نائبہ وضابطنہ حکم کہ

ذکر اولنان چشمه به دائر حرف واحد سویلماش و ضایع عثمانیه نك
برائر نفیسی اولان بوجشمه نك معماری اولان صاحب دهانك اسمی
مجهول قالشدر . مع مافیه چلبی زاده نك ۱۱۴۱ هجری قمری وقوعاتی تماماً
ضبط ایتدیکی دیوان هایونك او سنه به عائد قیوداتنك تدقیقاتندن مستبان
اولیور، که تاریخ عثمانیک حین تحریرنده بوجهتک نظر اعباره آله جنی
بدیهیدر . سید وهینك قازاندینی اعتبار پادشاهک شاعری بولندینی حقیقه
قصیده خوان اوله جق درجه ده سامی بی مجبور ایتش ایدی .

سلطان احمد ثالث باب هایون پیشکاهنده کی ذکر اولنان چشمه بی
بنا ایتدیردکده تاریخ اولوق اوزره بالذات :

آج بسمله ایچ صوی خان احمده ایله دعا

مصراعنی بولش و یونك برقصیده ایله تنویجینی امر ایتش ایدی .
سید وهی و سامی نك بوبابده یازدینی قصیده لردن ریجینك کی چشمه نك
اطرافنه نقش ایدلدی [۱] . سامی ایله سید وهینك کندیسه

سرای جدیدۀ عامرم باب هایونی پیشکاهنده حبه اه تعالی و طلباً لمرضاة
زبدالاعلی طرف هایونعدن مجدداً بناسنه مباشرت اولنان چشمه سار ایچون مرمر
طاشک لزومی اولقله اقتضا ایدن بهالری بنا امینی طرفندن ویرلک اوزره تعین
اولنان مباشر خاصکی معرفتیه کوندربیلان دفتر موجبنه صاف و بیاض و طمرسز
اولوق اوزره ذراع مرمرطاش قطع و تدارک اولنوب عجماله قایقلره وضع و تحمیل
وبرکون مقدم استانه سعادت آشیانه مه نقل اولمق بابنده فرمان عالیشان یازمشدر
فی اواسط سنه ۱۱۴۱

[۱] معلم ناجی مرحوم : روایت مذکوریه کوره سلطان احمد ثالث
تاریخ اولوق اوزره :

بسمله ایچ صوی خان احمده ایله دعا

مصراعنی تنظیم بیورمش اولدینی حالده درت اکک کلش ایدی . وهی یونی :

آج بسمله ایله ایچ صوی خان احمده ایله دعا

صورتیه افراغ ایله حای اکیال ایتدکدن صوکره بووزن وقایه ده صاحب
مصراعک اوصاف شاهانه سی حاوی برده قصیده یازمشدر . شاعرک انفس
قصائدی عد اولنان بوائر تاریخ ایله برابر چشمه نك اطرافنده منقوشدر .
تاریخ سلطان احمدک جاری زبان لوله دن

ترجیحی ابراهیم پاشانک نفوذ و تأثیرینه حل ایلشایدی، که کندینجه بوخصوص ابراهیم پاشا طرفدن اشاره دولتدن خارج طوتمنه نانی ایدی. ایسته سامی بکک حیات خصوصیه و رسمیه‌نه عائد اوله‌رق معلومات بوندن عبارتدر .

مصراعيله کیفیت اكاكى طرفانه ادا ايتشدور . «دييور. حالبوکه بوروايت مشهوره هيچ برمجوده کوريله‌مدیکی کپی طرز قدیم ادبه سالک بقیه شعراک دخی بویابده معلوماتی یوقدر . مناقب بکتخدا زاده‌ده . بوجهت دیگر برصورته مرویدر (ص ۱۰۷) ، شویله‌که : سلطان احمد ثالث باب هایون خارجنده‌کی چشمه کبیره مصعبی بنا ایدر . تاریخ مصراعنی کندی بولور ؛ مصراع بودر : خان احمده ایله دعا اچ بسله‌یله ایچ صوی

اووقت جوق شعرا بولنور و عثمان زاده سلطان شعرا نصب اولنش ایده‌ده بومصراعه قصیده یوروده‌منزلر. زیرا هم قافیه‌سی تنک الی التمش بیت لازمه چشمه کبیره طولون عاجز قالورلر او زمان اسکی وهی‌که سید وهی دیرلر حلبده منلا ایش / تاریخ مصراعنی لطفه وهی‌به برمکتوب یازارلر چیفته تانار ایله کوندرلر . وهی / مکتوبی آلور مصراعنی کورور قافیه‌تنک اولدیننی اکثر . فقط مصراعک آلتی تا اوسته کتورر اووقت :

آج بسله‌یله ایچ صوی ایله دعا خان احمده

اولور قافیه ککتورر . سلطان احمد مرحوم دخی تاریخی بویه‌تنک مخصوص یامش بوله‌مونلر اوزولونلر دیو. لکن وهی‌مرحوم قولاینی بولور، قصیده‌ی یورودور عصرک شعراسته دخی بونک اوزرینه :

وهی خوش اول بته‌لب ، حدک دکل ایله ادب

سندن مقدم اولدی هپ . شاعرله بردن صلا

بیتله براز حرف انداز لطائف اولور .

حاصلی بوجهله ترتیب ایدر قصیده‌ی حلبدن بورایه کوندرر . استانبولده شعرا بقارلرکه قصیده ترتیب اولنش کلش ممنون اولورلر وهی‌تنک بولنه خوشلورلر . سلطان احمد مرحوم دخی حظ ایدر چشمه‌یه یازدیرر .

بویکی روایتک خلاف اولدیننی آکلاشیلور . زیرا سلطان احمدک مصراعنی معلم ناجینک و مناقبک بیاناتی وجهله اکسک وقاریشیق اولدیننی وهی وسامینک قصیده‌لرنده عینی اوله‌رق محرر بولتمیله مستدلدر . باخصوص مناقبک عثمان زاده‌تنک اوزمان وفات ابتدیکي حالده حیاته‌ده بولندیننی وهی‌تنک حلبده ۱۱۴۳ سنه‌سندن سوکره‌حاکم بولندیننی حالده اوزمان اولدیننی بیانی غلطات تاریخیه‌دندر .

سامینک شهید علی پاشا زماننده نزد دولته بولدیغی اعتباری ابراهیم پاشا زماننده ادامه ایده میهرک متروک قالمی، اوزمان معارفک اگ درجه بالاترینی بولنان شعر و خط ایله معروف اولدیغی حالده آنک زماننده بوجهندن دخی سید و هجیه تقدیم ایده میهرک چشمه قصیده سی مثله سنده کی ضربه دن درجه نه پاده مایوس اولمی جهتلریله حادث اولان منافرت برحق نهک وقوعاتک ضبط ایدلمیهرک ضیاعنه وارباب اختلال طرفندن اشاعه ایدیلان حوادث کاذبه نک حقایق تاریخیه اوله رق صحائف توارخیه نقله سبب اولدیغنک حقیقه مقارن بولندیغی تبیین ایدیور. بوباده ذکر اولنان وقوعاتک سامی طرفندن ضیاعنه بییت ویرلدیکی حقه ارباب تدقیقک ادعاسنده حقلی بولندیغی کوستریور.

بو حالده وقعه نویسرک یازدیغی تاریخلرده بولنمیان بووقوعات ایچون توارخ خصوصیه مراجعت مجبوریدر. بونلردن یالکز بروقعه دأر اولانلرک هیچ برینده بو وقوعات کوربله مز. دائماً سلطان محمود اولک جلوسندن ابتدا ایدرلر، اسباب جلوسدن برنبه بحث ایلرلر. عمومی صورتله یازیلنلر ایسه او زمانی کنجکلکنده ادراک اتمش اولان شمعدانی زاده نک «مرئی التوارخ» ی، آندن یک چوق زمان صوکره دنیا به کلش بولنان بروسلی فرائضی زاده سعید افدینک «کلش توارخ» یدر.

بونلردن ایکنجیسی ۱۱۴۱ و ۱۱۴۳ سنه لری محرم لری وقوعاتی بربرینه قاریشدرمش و ۱۱۴۲ وقوعاتی اورته دن غائب ایشدر.

برنجینک اوسه حقه کی افاده سی ایسه شوبله در: سنه ۱۱۴۲ رفتن الحی میرشرف بجانب اصفهان وحریق شدن خانه اسمدزاده درقره مان در یک اوغلو و خارج غلطه و درالاجه حمام و درکوچک بازار و در داخل باب باغچه و آمدن سر مقطوع چرکس محمد یک از مصر باستانبول و زلزله شدید در استانبول در اسکلب و مشاوره شدن و قرار دادن سفر عجم عمومادر ذی الحجه.

مع مافیه سرلوحه‌سی بوصولته اولدینی حلاله اوحدانك دیکرلری
حقننده هیچ برسوز سولیوب یالکز عجم سفرینه قرار ویرلسی اسبابی
حقننده بر حقیقه‌دن زیاده‌جه معلومات ویریور، که اوده تاریخ صبحی
افاده‌سنگ باشقه برطرزه افراغ اولمشیدر.

حالبوکه نادرشاهك احوالی بیان ایدن تاریخلر بوسنه ظرفنده
عثمانیلرک الله اولان همدان وکرمانشاهانك عجملر طرفدن استیلانی
وتبریزک اوزرینه حرکت اولندیغی بیان ایدیورلر، سلطان محمود اولک
جلوسنی مبین عبدی نام ذاتک یازدینی تاریخك بداننده کی وقوعات بونی
تصدیق ایله برابر ده‌ها زیاده تفصیل ایدیور [۱].

بویابده ده‌ها زیاده تفصیلاتدن صرف نظرله «تاریخ جهانکشای
نادرى»، «دره نادره» و سائر فارسی آثاره و ذکر اولنان عبدینك
تاریخنه وولایات عثمانیه‌ك بمضینك مضبوط اولان «تاریخ جوتی» کبی
تواریخ خصوصیه‌نه ومدت مذکوریه عائد دیوان هایون قلینك مهمه
وباش محاسبه‌ك «نذورات» و «احکام» و سائر دفترلینه مراجعت
ایده‌ك وبعض مجموعه‌لرده کی قیوداتدن استفاده ایله‌رك چلبی زاده‌ك
براقدینی ۱۱۴۲ سنه‌سی محرمك ابتداسندن سلطان محمود اولک جلوسنه
نتیجه ویرن حادثه اختلالیه‌ك ظهورینه قدر اولان وقوعات داخلیه
و خارجیه تحریر اولندی.

عارف



[۱] بو عبدی‌ك کیم اولدینی ذکر اولنان تاریخده یازلامش و افاده‌سندن
دخی بوجت اکلاشیله‌ماشد. بوکه رئیس‌الکتاب بولنوب ۱۱۷۸ سنه‌سده
وفات ایدن مهرداد عبدی افندی اولدینی مظنوندر.